

بمعة اللففة

عطر الفايه

وقصائد أخرى

شعر شعبي عراقي

شعر



ألف ياء
Alf Yaa

عطر الغائب.. وقصائد أخرى

المؤلف: جمعة الحلفي
الكتاب: عطر الغائب.. وقصائد أخرى (شعر شعبي
عراقي)

صدرت النسخة الرقمية: شباط/ فبراير 2026

- الناشر: «ألف ياء AlfYaa»
- الموقع الإلكتروني: www.alfyaa.net
- جميع حقوق توزيع النسخة الرقمية بكل التنسيقات (ePub، PDF و/أو أي تنسيق رقمي آخر محفوظة لـ «ألف ياء AlfYaa»
- جميع الحقوق الفكرية محفوظة للمؤلف
- يعبر محتوى الكتاب عن آراء مؤلفه.
- «ألف ياء AlfYaa» ناشرة للكتاب فقط وهي غير مسؤولة عن محتوى الكتاب



- تصميم الغلاف والإخراج: طالب الداود

جمعة الحلفي

عطر الغايب..

وقصائد أخرى

شعر شعبي عراقي

محتويات

7	أبواب
10	تألفه روجي بغيابك
12	مليت
16	مدري!
20	عيدية
22	عطر الغايب
25	من دفاتر العشق
27	مرجان
30	بساتين الورد
32	نوم الظهاري
34	المسافر
39	نايم وطولك صحو
44	يا بحر
47	الروح والطين
50	نوم الحمام
52	عبود
62	وين أودّيك؟
65	النواقيس
70	مو بحر
73	كل يوم

75	غصن التين
77	المربع
79	وردة الثوب
81	مسه الخير
84	أمير الحمام
86	دفو
88	غياب
90	حاير
92	وداع
94	غيمة نوم
97	وين أنته؟
99	برد
101	الفراشه والطفل
105	خميلة عيد
107	البنفسج
109	سفر
111	آخر كاس
113	عمر من خشب
116	سحابه
118	حالة عامة

أبواب

تگدر تدگ الباب..

الباب، لوح الخشب،

مصبوغ ومدردغ وملون وجذاب

بس... ما يرد الباب

ولو ما أسمعك تدگ

ما ينفتح لك باب.

بابك منقط شذر مرسومه بي نجمات

بالأزرگ اسمك، تحت، مكتوب بالدمعات

وتحت التحت، رزته، مديوفه بالذات

بابك مناظر فرح موعود بالغياب

حاميك چف الحسد مرسوم فوگ الباب.

بابك مزهر ورد طالع ندی بعثته

وببابي نابت عطش من عروته لرزته

ريحة الحضرة ببابك والحمدو والتسبيح

بابك يجيب الفرح.. وبابي يجيب الريح.

بابك دفو بالشته وبالصيف جرّة مي

بساط العصر بابك ومغطى بالفي

متروس بابي سهر وبابك ينام العصر
بابك منمنم خرز ومطرز وغافي
بارد هوى عتبتى وبابك ندى ودافي.
بابك مراية عرس تتمرى بيه الناس
مديوف بالحنه ومعرّش بياس
بي آية الكرسي والحمدو والخناس
دگات بابك غير.. وبابي إله دكات
بابي تدگه الريح.. وبابك تدگه الناس.
بابك ز غير وحلو مقفول ومنده
يسبح بمي الورد بالفتحه والسده
ناطرت بابك عمر، شو طالت المده؟
بابي مشرّع دوم.. محد يجي يرده.
بابك جناح وهوى يوڊي ويجيب أحباب
وبابي مبسمر صبر يتنظر الغياب
مليان بابك حچي ومليان بابي عتاب.

تالفه روهي بغيابك

منشورات «آلف يا» AlfYa

تألفه روعي بغيابك
عتب ليل موادك،
شباچ حزني مشرّع من سنين،
من سديت بابك
ليله وحده أرد أصلي بحضرتك
أرد أهز شباچ حزني
وحيل... حيل أبجي عله بابك
لا تعاتبني عله حزني وأنته حزني
أنته سجادة صلاتي،
وأنته آخر نبي بعمرى
تابعك وأنته الوصي
تنقص بروحي وأزيدك
شلون أشوفك وأنته شوفي؟
لا تعودني عله طبعك سوله طبعك
سولة مشابگ وحسبة ليل ما يخلص عذابك
أرد أشمك مرة وحدة، وحيل.. حيل أبجي عله بابك.

ملیت

راوست الثكل مرات
وعدلت الثكل مرات
داريت الحزن مرات
وخواويت الجرح مرات
باريت الزعل مرات
وجاريت الچذب مرات
وساهرت الليالي البيض وتعديت
وعديت الليالي السود وتعديت
لچن مليت...مليت
عاونتك على الكلفات مرات
وضغت كاسات من فرگاك مرات
وعفت لجلك هلي مرات.. مرات
وشفت منك مصايب ماسدن يا... طيب الذات
وعلى دربك رحت للموت ومن الموت رديت
ولجل عينك أنزال الناس باريت
لچن مليت... مليت
من ثكل الدمع بالعين.. مليت

ومن ثكل الحزن بالروح.. ملّيت
ومن ثكل الذنب بالراس.. ملّيت
أيام عديت لك
وسنين عديت لك
وزلات عديت لك
وحطيتك ابروحي
يمزید جروحي
یا... شمعة البيت
ملّيت... ملّيت
وديني لهلي يا طيف
وصلني لهلي يا طيف
گر بني لهلي يا طيف
هلي...

يا هلي... يا ضيفي العزيز الماوراه ضيف
یا نسمة علیه بأول الصيف
یا ليلي الحزين الفارگ کیف
یا لحظة حياة بطارف السيف

هلي..

يا هلي.. هُلو يا البعيدين

يا ناسينّا

وچنكم ولا ناسين

يمتانينا ولا چنكم متانين

يا طعم العشگ يارiche الطين

يا نفحة وطن محروگ يا بيت

أنا مليت...

مليت..

مليت..

مليت

مدري!

مدري!

ناطرتك..

مثل ما تنظر الورده نداها

وانته موكطرة نده وبس

أنته نهر الروح، تسكي الروح وتخفف ظماها

ناطرتك..

مثل ما تنظر الكاع المطر

روحي صبخه وانته غيمة شوگ

تتباهي بنسايمها وهواها

أنته من ياكون اجيت

يامجرة مضيع سنيني بسماها

انته عفت الناس كلها وتلوهتني

منين اجيب سنين لشواگك،

وانا عمري تعداها وجزاها

انته... جمرة شوگ بيدي

مدري اذبها.. مدري اچوي سنيني بيها

مدري اخلي العمر يتباهي بضواها

يانبي موديك گلي؟
تگطع صيامي وانا الحالف قسم،
مابدل الجنة بسواها
ضوگتني...
ضوگتني طعم البساتين من تفاحة آدم
وانته تفاح البساتين وغواها
من طراوة طولك تطول الأيام
ومن حلاوة عشرتک یگصر مداها
انته من تهل طواري العيد هلت،
يا فرحها ويا طربها ويا غناها
انته شجرة ياسمين،
اشجاله شمام البراري يغار من نسمة هواها؟
انته...

انته يا مجنون دلاك عله دربي؟
يا نبي مسودن رسملك سجتني؟
يانهر جابك على العشبه وسگاها،
وك روعي صبارة حزن بين الأوام

وانته غطرة فرح..

شيساكي العمر لو عطشت سنينه لصباها

بس اكلك:

انته مو غطرة فرح،

انته كل الفرح

كل الحزن

كل الورد

كل نجوم عمري وكل سماها.

عيدية

من أذكر اسمك
چنها خفگه جنح روجي
مسافة حزن وانت بعيد
وانه بلایا شي مستكثر جروجي
عيدية عمر ردتك تجيني يوم
عيدية جذب وأصبر..
صفگه باب وأقبل وانت ما چنك
خل ياكل بروحي سؤالك
منجل مجانين
تری گلبي بغيابك باب ومزنجر!

عطر الغائب

منشورات «ألف باء» AlfYaa

تركت عندك كل ما يدل عليّ..

بما في ذلك ما

يدل عليك!

عطرك اسمك،

خصرك العنوان والتيجان صرّتك

جنة بخور وشمع وأنه درويش بحضرتك

حسنك ؟

حسنك يتلوه صلاتي ونومي حيره

مرايه اشوفن بيك عمري

مدري أنته الجنة اشوفك

مدري هذياني اليرسمك؟

مرايه حزنك

بيك لو بيه الألم؟

سيفي لو سيفك طعني

وسال دمك؟

مرسوم من طوفان عمري

شمحي منك؟

شرسم بفضة عذابي ولوح عمري
حجايه منك!

شأكتب بدفتر غيابك ؟
طورك ؟

طورك مثاوب مستحه ... وچذاب نومك
من اجيسك

تنفرط حبات روعي عله الجراچف
شلون ألم روعي وألمك؟

شلون بيه.. شلون بيك؟

شلون افرط روعي يمك

وحبه حبه من ارد اضمك؟

زيگ مرايه لهاتك

حاضر و غايب واشمك

مرايه حزنك واشتكيلك

وانته منك تشتكيني

ياهو بينه اليشكي منك؟

من دفاتر العشگ

منشورات «آلفا» AlfAa

ليله

ليله... گلت تعود الي وتانييت

حنييت بياني..وزرعت اللوز بالعتبه

وشعلت شموع وتوضييت

گلت اصلي لك فرض..

لوجييت!

مرجان

سبگني لحسنك الرمان... وتفرّط...
مثل حبات ليلو عله النهدي
والگاع ما وسعت غنج...
مرجان يتغاوى بوسط مرجان
حبه هنا... وحبه هناك
بوسات ونوايح والروايح للسمما
حنه وسعد مديوف هالنعسان
ساكت... وانا حاير
والغطا منده..
وشته مصيف گبل نيسان
آنه ما شايف شته بنصّ الشته وعرگان؟
معذور العمر لو ذاب...
لو ضاع بحلاة النوم والنسيان
ما هوه العمر... كل العمر... بمية الفنجان غرگان!
ساكت وآنه حاير.. ليش زعلان النهدي؟..
والروح تصرخ... ليش عالي الشان زعلان؟
داويني...

داويني يصاحب جمبده وساهون فوگ الصرّه
وطيورك زغيره ترف بلا جناحان
داويني...

داويني العشگ هدني
وحلاتك ساحنه الروح
وطراوة شفتك ما ترحم التلفان
وك داويني يدافي من الثلج ومحير النهران
داويني...

أصيح من الجمر والجرر گبلي يصيح بردان!

بساتين الورد

من يا نبع مرتوي؟
من يا غصن تفاح جُبْتُ ألوان لخدودك
من يامجره نزلت
من ياسما ويا گاع لميت الهؤه لُعودك
وك أنا مجبور..
أنا مجبور بعيونك
خليني لبساتين الورد ناطور
مَحْدُ يوصل حدودك.

نوم الظهاري

منشورات «آلفا» AlfAa

ماجو على موعدي
گالوا خذانه النوم
وانه من مية سنة
أنطر لذاك اليوم
خلصت كاس الهنا
وصبيت كاس هموم
يا نوم شلّاك علي..
اللي يريدك تهجره
والمايريدك زايه كل يوم!

المسافر

لسه....

وكل من مسافر

تموت السجه بعيونه،

ويغط بالنوم...

يغط بالنوم..

يغط بالنوم،

يفز..والليل ذاك الليل!

مدري السجه تعبانه وتتاني الريل؟

مدري الريل هو متاني جيت الريل؟

وتجي النشده عله السجه

تدور على المحطة منين؟

تمر بعيون المسافر

تمر وتنتخي بالريل...

لا سجه تتاني ريل ولا ريل المناظر ليل

ويفز هناك المسافر...

يصحى من السفر والليل

يصحى من الحزن والغربه والفرگه

يغيض ويبجي بحرگه
والحيره سفن بالدمع محترگه
كل هذا وبعدها الدنيه نص الليل!
شيجيب الصبح ونفز..
مل الليل من الليل!
لسه...

والشارع غفه بين الرصيف ونام!
حتى الليل چودر ع الرصيف ونام
حتى الطير چودر ع الرصيف ونام
وحتى النوم....

چودر ع الرصيف ونام
والمسافر!

يبجي المسافرين!
يبجي من الحزن والغربه والفرگه
يغيض ويبجي بحرگه
والحيره سفن بالدمع محترگه
والفانوس!...

مَلْ يُضَوِّي عَ السَّجِّه
يروح ويه الهوه ويرد
يطفه ويه الهوه ويرد
تعتّه الحسبه وترده...
والنشده

خذت درب الرصيف وراحت النشده!
والمسافر!

يغط بالنوم...
يغط بالنوم المسافر
يغط بالنوم!
نصحي..

ماكو المسافر!
ننشد..

ماكو المسافر!
وين دموع المسافر؟
وين احزان المسافر؟
وين جروح المسافر؟

وين كتاب المسافر؟
چا وين المحطة الجانت بهأصوب
چا وين السچچ والريل؟
مامش....

مامش لا سچچ.. لا ريل....
بس الدنيه نص الليل!
شيجيب الصبح ونفز...
مل الليل من الليل!

نايم وطولك صحو

منشورات «ألف باء» AlfYaa

نايم...

نايم بريسم على بريسم غُفو

طولك وورد الجراچف

نايم مرشرش عطر.....

عش الحمام ز غير ومنده..

من طراوه ومن حلاوة مستحه

وجيسة دفو

نايم..

والله يدري بهالسبايه

تفاحه من تفاحه تخجل

واكبر التفاح يتماوج غنج

يزيح لحاف عن لحاف

والدنيا شته

نايم وكلشي يتتاوب..

روحي والشباچ والبيبان

وورود المخده

وشمعدان الشمع

و ثياب الزغيره

حيره نومك

حيره تصحى

وحيره تغفى..

حيره ترضى

وحيره تزعل

وحيره يتخالط دمعنا

وحيره يصفى

نايم

وانه وي شمعاتك اسهر

مدري ياهو البينه يبجي

مدري ياهو البينه يحجي

ومدري ياهو البينه ما ظل بيه دمع..

نايم وطولك صحو..

وشهل گباحه من الشمع؟

نايم وروحي شديدة حزن

والأيام ما هي أيام

لا تكبر عليّ أنا ماني بگد غلاتك

سايم الله عليك تعذر

سايم الله عله الرفيف

البين رمشك والخصر

ليل وشموع وسكر كاسات

ما يخلص هواك

وعشرتك ليلة خضر

نايم وطولك صحو..

رگصة عبيد مشابگك

ومباوسك گهوة بدو

كل يوم تاخذني دناوة روي يمك

غلطة مني وغلطة منك

واليصير يصير

لا تبخل عليّ

وك روي شديدة حزن

والأيام ماهي ايام

لا تتعب تدور على غيري..

آنه غيري
وك آنه من أول عمر لآخر عمر!

يا بحر

كلما دقت بالبحر.. قلتُ حيلتي!
يا بحر..

جاي اصلي لك وصوم
جاي..

من غيرة حروب وظلم حكام
جاي احط راسي عله صدرك
واغفى ساعة من الهموم
يا بحر..

جاي اصلي بحضرتك
واعلگ لموجك شمع
جاي.. جايبلك من أهلي علامه
حفنة تراب ودمع

جاي وثيابي تگطر دم
گصه الحجاج بينا يا بحر
وانتَ عطاب ونبع
يا بحر..

جاي أفرش همومي عله شاطيك ونام

جاي اٲش حزني علـه رملك واشتكيلك
جاي اشم تراب جدمك..
يل بيك ريحه من الإمام

الروح والطين

شگد غُفت رُوحی علہ برد الطین؟
یاخذها الهوى مندایه..
وترجع للهوى مندایه
تنزف للشجر ویخضّر الزيتون
یاساس الحزن بالروح.. خضر یاحزن زيتون
وأنذر كل غصن للدنیه، للانسان
وأنزف كل فرح یامنبع الأشجار
وأنزع كل قهر مر بیک.. مر بیه
وأضحك للجرح.. للريح.. للأزهار..
للنجمه الربيعیه!

شگد غُفت رُوحی علہ برد الطین؟
یطگ بیه الحزن وألتم
یطگ بیه الفرّح وألتم
أذوب من الغنه.. یاریح طاریک
یذوّب كل قهر بیه
یندیني،
یغسل كل جرح بیه

يخاويني

يفرز كل لحن بيه

يغنيني سهار الليل تجليبه وأبوذيه

وأمر بالناس، بالبارات، بالشارع

وذوب من الغنه وللگاع اغني الماي

أسيل بكل سواجي الناس

أجدد كل سواجي الناس

أقيّض بكل سواجي الناس

وأسهر للفجر، للصبح، للأذان..ليليه!

نوم الحمام

مثل نوم الحمام ينام
يسكر بأول الكاسات
ويتثاوب غنج من أول الغرصات
وأنه...

أنه اصبر صبر هايم
ياشباچ روعي..
يا هواها وليلها وقنديلهه الدائم
چانه شظل إلي من النوم
وانته النوم كله وياك نايم؟

عبود

طويله أيا منا.. كلش طويله
وحزينه أيا منا.. كلش حزينه
غبره أيا منا المرّت يعبود
وغبره أيا منا اللتمر يعبود
ومدري شضاملك دهر ك يعبود؟
من ربك خلق آدم..
خلق بغداد عالصوبين
نخيل يطاول نجوم السما
ونجمات من تنزل تكحل العين
ونهر مغرور..
چانت دجله مثل العيد
تجري بوسط لبساتين
ومن فوگ الجسر...
چانت تشوف الناس كل بغداد:
ضويات ومناير، والهوه عذبي وعرس،
عرس مجنون.
وأحنه...

أحنه ه... ن...اك
خلف السده مطمورين
كومه من الصرايف والبشر والطين
مهمومين چنه من العطش والجوع
بشر... لچن بشر من غير نوع
ما شفته الطفولة بعينه، مرت..
مثل كسرة ثلج وتموع!
چنه زغار...
چنه زغار يا عبود
چنه زغار.. نفرح من يجي العيد
لچن يا عيد مر وما نرفنه دموع؟
مسموح الفرح.. مسموح يا عبود
مسموح الفرح بالغنى
لچن بالفقر ممنوع
چنه زغار...
چنه زغار يا عبود
چنه زغار حفاي بدرابين الصرايف دايرين

حفاي بدرابين الزمن...
حفاي منسيين
نسأل عاليجي والراح
نتحسر على الخبز
ونسلم سمع بالتفاح!
وك چنه زغار ياعبود... چنه زغار
وه...ن...ا...ك بكواليس الحكومة
تبيع بينه وتشتري التجار
بدو ويهود وإقطاع وضواري من دول كبرى
تنهب واحنه منهوبين
وك تجار چانت تحكم الأوطان
وكلشي مسعر ومختوم:
الضماير والعقول، الدين والتاريخ،
البشر والشعر والأحزان.
كلشي مسعر ومختوم
وچان ارخص سعر بالقايمة... الإنسان!
وك كلشي مسعر ومختوم يا عبود

توكف بالمزاد وتشتري شتريد:

نقابات وبرامج وانتخابات،

عمال وفلاح وأحزاب ثورية..

من آخر طراز وكل الألوان

كلشي مسعر ومختوم

وكلشي تشتري لوردت...

مثل ما تشتري الدخان!

وغفله...

غفله من الحجي

وغفله من البجي

وغفله من القهر والجوع والحرمان

كبرنا وكبرت الأيام

ورجع بينه الزمان أردود يا عبود

رجع بينه الزمان لأول الميعاد

ومثل ما زاد فقرك... حزنك ازداد

صحيح أتغيرت بغداد..

لچن متغير الحكام

ومثل ما راح نوري جالها صدام
ولك ع..ب..و..د.. يا عبود
بسّك لوم.. محد يشتري منك عذابات
وك أنا شبيدي على سنين الغّظت خطوة بمسافات
وك بسّك لوم يا عبود
أنا شبيدي على الباعو شعبهم بالمزادات
وك علينا وعليناه وصعدناه على آخر سماوات
على حتوف البشر..
عّ النجم.. عّ الهامات
چان يغافل التاريخ ينزل ع الكراسي والوزارات
وك أنا شبيدي على ثوار يتسمون
لچنهم خدم عد الحكومات!
كبرنا وكبرت الأيام يا عبود
ورد بينه الزمان أردود
وك كبرنا وكبرت الأيام
وكبر بينه العراق الضاع بين أحلام وأوهام
وهذاك انتّه:

وحدك تحسب الأيام
تعد سنينك وترجع تعد وتغلط وترجع...
تعد الليل والساعات...
تعد شكد حجيت
شكد بجيت
شكد ضاعت عليك أحلام
وحدك تحسب الأيام..
تمر جدام عينك تركض الأيام
تعبرك... تركض... الأيام
تبعد.. وانتة.. ذ.. ا..ك انتة
حزين ومنزوي ومحتام..
وحدك تحسب الأيام..
وحدك ترسم سنينك على الريح
ويذريها الغبار أو هام بأو هام
وحدك تحسب الأيام
و..ح..د..ك تحسب الأيام يا عبود
ويرد بيك الزمان أردود

ولك ع..ب..و..د يا عبود
أنا سايم الله عليك..
اشيّم بيك كل شيمة هلك
اشيّم بيك تاريخ القهر والظيم والحرمان
اشيّم بيك أعز ما يملك الإنسان
اذكرك بالطفولة وبالصبا والتعبان
اذكرك بمك الماتت ه...ن..ا..ك
وانته ه...ن..ا..ك مدفون بصدى النسيان
وك هم تذكر نواعيها؟
هم تذكر بچيها عليك يا عبود..
هم تذكر دللول؟..
أذكرك لو چنت نسيان:
دللول يالولد بيني دللول
عدوك عليل وساكن الجول
يمه..يمه
يمه..راسي وجعني گومي شديه
ترى شد الغريبه ما يمض بيه

يبني.. يبني..

يبني ديار الغريبه ما تلقّيك

وبرد السفر يازين ياذيك

وك ميل..

ميلّ علّه أهلك يبني عبود

ترى هيهات غير أمك تباريك

اشيّم بيك تاريخ القهر والظيم والحرمان

اشيّم بيك... لا تنسى..

لا تنسى هلك ما تنسى الأوطان

وك وين تروح؟

يا دنيا التلم حزنك

وياحلم اليريح راسك التعبان؟

ولك عبود تهت وتيهتنه وياك

تهنا بيك وبلياك

وك ثكل دين العراق عليك

وثكل لجلك عليه الدين

تانيّناك..... تانيّناك

املنّا الصبر بـيك
وصبرنا الدمع بالعين
تانيـناك.. مثل نجم الثريا نعاين لملگاك
وك وين انتـه؟
انتـه بيا سما بيا گاع
انتـه بيا مجره نريد نتعنّاك
نريد نتعنّاك!

وين أودّيك؟

منشورات «آلف يا» AlfYa

وين أودّيك؟
چنها ليلة عيد جيتك..
چنها صبحية عرايس،
رنة هاون من بعيد
تلوهني العشگ.. وتلوهت بيك
چا وين أودّيك؟
وين أوديك ومسافة ليل عمري
وانته ألف نهار يمرح بيك
فريضة صوم عشگك
وآنه صايم
چا يمته اعيد بيك؟
وين أودّيك..
يل همزة وصل خصرک
يل جمارنا يغار ويباريك
اجيت بغفلة الأيام
وين الگه عمر وسنين تفديک
چا وين اودّيك؟

...وين اودّيك..

وانته غيمة مستحه وشيمة احباب

وانه خشبة باب

الله..

الله يا حيرتي..

شكد بيها روي حزن وشكد فرح بيك

چا وين اودّيك؟

وين اودّيك، وانه شباچ وحچي

وانته خواف وتحاسب عّ الكلام

اطمئن ما راح أكل للناس احبك

بس راح أكلهم

آنه احبك والإمام!

النواقيس

الحجي ودمع المراسيل
البجت بين الظروف
والغنه وحس الربابه
وسمع المعاند يشوف
وانتَ وطيوفك سنابل ..
تنحصد دم بُبيادرهم تطوف
يا غلاتك راهب يرتل صلاتك
والكنائس تشرب الحان الحروف
والنواقيس التسجل صوتك أنته
وشاح رايه،
كتاب شاهد ما تَعْرِف وراقه خوف
وأنبياء الناس تصعد للجرح تنزف صلاه
وانتَ بحبال المشانق صوت يدوي
وانتَ بهلال المآذن جنه تضوي
وانتَ لعيون الزغار .. وشاح وطيور وقصايد
حمّلك شاطينه غيض
ويه النبع تصفه هلاهل

وانتَ حد الهم .. تلوج
ومحد يسمعك هلاهل
تصفه روجه وي النهر
وتفيض تتفسر هلاهل
تصفه لچمه وي الجرح
وتغيض ونسمعك هلاهل
والنواقيس وي صوتك دگ جرسها..
وهزت أركان الكنائس
والهجر .. صوره عله حايط
شابحه الشوف وتعاين
والعشگ .. نجمه بضواك
تغيض وتمل وتعاين
يالبلچن ينكسر گلبك عليها
وينحر الشوف ويعاين
يلگه بيها طيوفه لحنن حچينه
يلگه بيها حروفه دوخهن بجينه
يلگه بيها شموعه تطفه..

وتعتلگ شمعہ حزینہ
ویبگہ طیفک جید مرهون بگلاید
لاچن أنت تظل جرح
ووشاح وطيور وقصاید
حملک شاطینہ غیض..
وحتى حبات الرمل بیدک تفر فزة طيور
وحتى جناح الصاف یلگاک بحریرہ..
وتصفه خیط وئی الطيور
وانتَ ذاک انتَ سؤال
تحیر الدمعه علہ چفک
وانتَ ذاک انتَ النحرت الغاع
حتى الدم يعرفک
لو نرف یشکیک وانتَ یفیض نرفک
طوح وئی الروح ونة الکاولی
وعیش علہ عرفک
غنی حزن الناس
وانتَ وئی الغنه نایین حزنک

سومري إيشانك،
غريبه الدنيه لو رادت تميل
سومري ..
سومري وبُعدك سماوين
وترف حزنك ثجيل
وُوادمك مثل الغمر
تضوي لمن شمسك تميل
شلون حزن الدنيه من تبجي عليك؟
سالفه الدنيا تصير بحزنك انت
تخيّل الدنيا بغلاتك حدّر بدمهه وتعال
حملك شاطينه غيض
وحتى جرف الماي إلك عنده سؤال
يناشدك چقينه خذهه
وهينه لو عفته جرايد
لاچن انت..
تظل جرح ووشاح وطيور وقصايد!

مو بحر

هذا البحر .. مو بحر
هذا ... دمّي المسفوح
وهذي السفن مو سفن
هذي مراكب نوح
دم اهلي هذا البحر
من نينوى.. من أكد
من أور .. من آشور
من أول التاريخ لليوم
دم اهلي مهدور !
هذا البحر.. مو بحر
هذا البحر جذاب
هذي السفينه جذب
وهذي المراكب جذب
هذا البحر تابوت
دم اهلي هذا البحر
دم اهلي ياقوت
من أور من آشور

من نينوى ومن أكد
من أول التاريخ لليوم
بس العراقي يموت !!

كل يوم..

كل يوم توعدني تجيني وما تجي
كل يوم أوصي النجمة ...

توگفلک علی الشباچ

نار تاخذني ويطفيني البجي

چنت اريد ارتجي عليك..

طلعت انتہ المرتجي!

آخ..

آخ لو تدري.. شگد ضام لعيونك.. حجي؟

غصن التين

يا مايّ ليوصلني لبساتينك؟
يا نسمة؟
يا نهر الديلني يغصن تينك؟
وك تَعَبْتُ وتعبتني وياك
وديت العمر.. كل العمر خطر
بلچن ترحم سنينك
تداويني؟
شتداويني وانا مبضع على طولي بسچاچينك
حسافة على الزمان الفات وياك
وحسافة عليك، فرّطت العشگ ع الراح وع الجاي
بس وياي ما عدلت ميازينك
روح بلا عتب ما تسوه حتى عتاب
إلي ديني وألك دينك.

المربع

أشك بجفوف أديه وما أشك ببيك
واغار عليك يُبيّض غيرة النسوان
أشلون اجمع وافرزن هاي من هاي
وانه بحبك ولا خلّيت ميزان؟

* * *

أفر من نومتي خاف انت سهران
وانومك عَ الرمش وأسهر للأذان
يخصرك مستحه وطولك مواويل
لضوگك من لهاتك وظل سكران!

* * *

أخلص سنيني لعيونك مواعيد
وأعيّد ببيك كل يوم بألف عيد
تگلي جيس خصري وبوسني هناك
هو انتَ عندك خصر ينجاس بالأيد؟

منشورات «ألف ياء» AlfYaa

وردة الثوب

بين البسمه والنظره الغريبه التايهه عشگ مورّد بيه
وبيها، والريح الشبت مجنونه ودارت بين الغرفة وبين
الشارع، لهوله تندي عله الشفه التقره وتتنده من
البسمه. خانتنه البرده المفتوحه وفضحت كل أحلام
الورده، والغرفه الخجلت من چف امتدت تطوي الشباچ
المسدود. غفله ولن

وگمنه نعاين .. لاچن مامش شي ينشاف وچن الغرفه
نشافت، حتى الرجفه بروحي، اندارت بينه وواحدنه
يگص بطراف أیده.. وهزت ریح گلاص تبده الماي
وساحت روعي وذاب أنساب بين جفوني وبلل كل الليل
الريح تهزه ويرسم چن الريح الريشه، ولايه وبيها أنه
ومذبوح الشوف بعيني وبين الـ

مسه الخير..

مسّه الخير عله بغداد
مسّه الخير.. على شباچ بالبصرة
عله صحن الإمام بكر بلا
عَ الغَبه والحضره
مسّه الخير..
على عتبه بشمال الورد
على أبونا الفرات وطينته ودهله
مسّه الخير.. عله دجله الحزينه
الغافيه الترفه
مسّه الخير عله شاعر بالعراق
على اوارقه وريشته وشمعه
مسّه الخير عله بستان الحزن
كل نخله بيه دمعه
مسّه الخير عله گبر أُمي
الغريب المدري وين..
بيا ثرى وتربه؟
مسّه الخير عله حزن أهلي الغميج

عله العراقي وحيرته وصبره

مسه الخير

مسه الخير

أمير الحمام

منشورات «آلف يا» AlfYa

مرات يجذب علي
بعيونه يبان الجذب
من يستحي تحمر خدوده خجل
ومن يبتسم بالروح... يلعب لعب
وأنه أظل متلّوه بحيرتي
الله البلاني بيه
چا ياهو اليك بلوتي؟

دفو

ردتك شوية دفو
لآخر ايامي
ردتك لبردي جمر!
ردتك تعاوئي مرة
تكسر الوحشه علي
وتشيل وياي الحمل
كثرت الطعنات بين الناس،
وگليبي طفل!

غياب

من تغيب..

مثل.. متغيب شمس الله

تاخذني نوبة برد

ويمتلي غليبي ظلام

احبي وي روحى بغيابك

لا روحى تسمع

ولا أنا حاجي كلام!

حایر

حائر...

دايره الدنيا

وانه ويّ الدنيا داير

مبحر.. ومدرى لوين يريد بيه الموج

دوختني الدواير..

شايل شراعي مثل راية حزن

مركب بنص بحر ضايع

شايل شراعي وشواطيك بعيدة

ولاني رايع لاني راجع

ضيعتني.. وضاعت سنيني غُلب

ولانه گادر اشتريك ولانه بايع!

ذابله أيامي مثل نخله وحيدة على الشرايع

واگف بآخر سنين العمر

ناطر لاچن ماني ناظر

ليلي طال وحزني يتناسل حزن

أبجي... تنزل دموعي خناجر

ومن كثر حزني غدت روحي مگابر.

وداع

أرد اودعك..

أرد ألم اسنيني شدة حزن وأرحل

ما بقه بيها الينفعك

أرد اودعك

من بعيد أومي لك وگلبك يبلغك

أدري تزعل،

أدري تحزن،

وأدري راح يسيل دمعك

بس راح اودعك

راح أخط أيدي عله جرحي

وحيل اوجعك

أرد اودعك.. راح اودعك!

غيمة نوم

طولك سؤال الليل
غيمة نوم عطرك
أصحي وياك ماخذني المطر
تحت مخدتي بير الدمع
ماطل غير كاسك والشتا ومنقل حزن
ليل يجيب ليل
وأنته تسألني عله حزني
ثلج غيابك البروح حارگني حرگ
أبرد وأنطفي،
وأشرب بصحة غيابك
ماطل غير كاسك والشتا ومنقل جمر
ليل يجيب ليل
وأنته تسألني عله حزني
وك هذا الجمر گلبي
وهذا الخنجر المسموم هجرك
ياكل بروحي غيابك
تحت مخدتي بير الدمع

مازل غير كاسك والشتا وضو الشمع

شكد رماذ تفتت بروحي؟

شكد طشيت بعيوني سهر؟

ليل يجيب ليل

وغيمه تجيب غيمه

وانا ماخذني المطر...

وين أنته؟

وين أنته؟
أدور عليك
ما خلّيت جوري ما نشدته عليك
أدور عليك..
من أول صبا لليوم
رحتلك للشتا وللصيف
ورحتلك للصحو وللطيف
أدور عليك بين الياس والريحان
أدور عليك بين المشمش الريان
أدور عليك بين التين والقдах
ساءلت البريسم والطلع والخوخ والرمّان
وحلّفت الهوه والنوم والتفاح
وناشدت الغطا النعسان
أدور عليك.. وين أنته؟
آنه من التعب تعبان!

برد

چنت أدورلك بروحي على گمره
تفیی لسنینک و تنثرلک سعد
چنت أدورلك على غیمه ز غیره
تطش على آیامک ورد
چنت اسامح واشتکیلک
یلی غارگ بالدفو
وک روهی ملیانه برد!

الفراشه والطفل

منشورات «آلف يا» AlfYa

ياخذني لعيونچ حنين

مره أز عل ..

مره أصلح ..

مره اعاند..

ومره الين....

چا وين تاخذني بعد..

وآنا وازتني السنين؟

تذكرين؟

تذكرين شلون من نزلن النجمات يمينه؟

چنه ملتفتين مدري لوين

من ذاك الطفل طير فراشاته بوجهنه

تذكرين شلون نزلت دمه من عينچ

ونشفتها الفراشه؟

وچانن النجمات مستحيات منه ؟

تذكرين من رسمنا الغيمه عَ الشباچ؟

چنه ملتفتين مدري لوين

من مطرت علينا

وساحت الألوان كلها على الجراف
كلشي بالغرفة انصبغ باللون الاحمر
ثيابنا والباب وفرشات الطفل
والحجي البيه
تذكرين شكد تذكرنا حجي
وشكد نسينا
تذكرين الورده من فُتحت بدينا
چنه ملتفتين مدري لوين
من خضر على العتبة حچينا..
شكد ضحكنا شكد بچينا
تذكرين شگتي من گتلچ..
مدري ليش ومن شنهو ز علنا؟
چنه ملتفتين مدري لوين
من صرتي الفراشه وردت اصير آنا الطفل
طرتي مني بعيد.. بعيد
طرتي ع الشباچ ع البيبان
ع البرده الزغيره

ومن نزلتي نزلت الدمعه

عله خدي

وما مسحتيها و..كبرنا

تذكرين من كبرنا شكد حزنا

شكد بچينا؟

خميلة عيد

سبحان الفرح بشفافك ألوان
من تضحك تصير الدنيا بستان
وسبحان النسيم اللي يمر بيك
يسلم ع الرّمش والرّمش نعان
وسبحان الحلاوة تحت العيون
وسبحان الضوه الخجلان والغيران
سبحانك خميلة عيد ومراجيح
وسبحان الثمر ع الصدر ريان
سبحانك يحلو الطول يمغمّر
سبحانك... وألف... سبحان

البنفسج

عند آخر بنفسج ناطرت..
گاعد.. وردي ذبلان،
وحزين وناسي عمري
گلت: بلچن يلتفت
ومئة الخلان ع الخلان تجري
ساكت وأيدي عله خدي
گلت: بلچن يحسب حسابي،
بمعية هالخلگ ويفك لي قهري
وك يلي مالي الغاع عطرك
شوية لو عندك مرّوه
ولا تخلي الناس تدري!

سفر

من تسافر..

مدري شيسافر مني،

مدري شيدّبل بروحي،

مدري شيجيب الحزن..

شيجيب الدمع والنوح؟

وك مجروح يبنادم،

مجروح من كل كتر..

وين التفت.. مجروح!

آخر کاس

چڙبت روهي وصدگتڪ أنته
من گلتلي: يمكن تخضر بگايا الروح ياس
وعلى هالچذبه...
شربت وياك آخر كاس!

عمر من خشب

عُمر.. من خشب
دافنيّ العُشْكِ.. بتراب هجرِك
كل يوم.. ادْكِ مسمار لفراكِ
صدّت العتْبة وطلع صبار بْثيابي
عُمر.. ماضاْكِ منك شي
فرهدوك محاضن مخابيل
واحنه بطرْكِ موعِد
عود اسمنه نحب..
عساها بْبُخت اليكرهون
مثل عيد الله الجبير..
تمر على دروب الشماته
وأنه شايع من حالاتكِ
لا لي حوبه ولا لي خاطر
ضاكت دروبي..
وتعب شباچ بيتي من المناظر
تْغَطر صواني عسل
وك وأنه حنظل حصتي؟

حنظل يالحبيب جزاتي؟

الله يسامحك..

كلشي بهواك يهون!

سحابه

من زمان أنظر سحابه وما إجت
غيمه.. ما مرّت على أحد من گبل
غيمه من آخر سما..

وآخر حزن

غيمه محمله دموع وبواچي

من زمان انظرها لاچن

... ما إجت

شگد بچت روي عليها

شگد عليها سولف الرمان

والتينه حچت؟

غيمة الله

عشعش الصبار بجروحي ونبت

وانت من آخر سما

وآخر حزن

وآخر عمر

لُيمته اتاني

من سما اجروري المطر؟

حالة عامة

لبس حزنه.. وتيمم بالشهادة وفارگ البيت
تتبعه أمه بصلاة لعتبة الباب
تلقت بالدرب وتحاشى العيون
ولم بعضه على بعضه وغاب
يبني...

يبني عله المحن صبر الیحبون
یگاوون الجرح عن لا یزلون.
نزع حزنه.. وتيمم بالمحبة وفارگ الروح
وتذكر طيبة أمه وأهله والناس
وزهى بطبعه وصادقاته وصبر زاد
وقره تاریخ همه یشیب الراس
وقره حزنه على كل حیطان بغداد
یبني..

یبني الناس بیها الزین والشین
بیهم یشتری بدمه الصداقات
وبیهم یشتری بدمک نیاشین.
نزع گلّبه.. وتيمم بالصداقة وشرع العین

وابحر بالحلم يتمرى الأيام
ولگه بحلمه محبة الناس سچين
الوفي تحده وتگص البلوفه يلين
ولگه بحلمه الوطن لو عزت العين
تمطر له السما ويخضر بساتين
وتخضر له الخلايا بطارف الجف
وتطگ دجله وترويله الشرايين
يبني..

يبني الما يشد الناس ع الحيل
يگل ثگله ويخف بأول السيل!

جمعة الحلفي



جمعة الحلفي شاعر وكاتب وصحفي عراقي. بدأ العمل في الصحافة في العام 1973 بجريدة "طريق الشعب" وأصدر مجموعته الشعرية الأولى (ساعة ويذبل الزيتون) في بغداد العام 1976 وبعد اشتداد الحملة القمعية ضج الشيوعيين في نهاية السبعينيات هرب من العراق،

عمل في الصحافة اليمنية (اليمن الديمقراطي) ثم في الصحافة الفلسطينية في بيروت ودمشق، ثم في الصحافة العراقية المعارضة . أُعتقل خلال السبعينات من القرن الماضي ثلاث مرات في مديرية الأمن العامة وأمن بغداد، لمدد تتراوح بين الشهر والثلاثة أشهر.

سيرة زمنية:

- تولد : العراق - ميسان 1952
- عضو الاتحاد العام للأدباء والكتاب في العراق
- عضو نقابة الصحفيين العراقيين
- يعمل في الصحافة منذ العام 1974
- مسؤول القسم العربي في مجلة الحرية اللبنانية 1986 – 2002
- نائب رئيس المنتدى الثقافي العراقي في سوريا 1988 - 2003
- أمين عام اتحاد الكتاب والصحفيين العراقيين في الخارج 2000 - 2004
- رئيس تحرير جريدة الصباح البغدادية 2005
- عضو مجلس أمناء هيئة الإعلام العراقية للبث والإرسال 2006
- مدير الإعلام في هيئة الإعلام والاتصالات 2006
- مستشار إعلامي في هيئة الإعلام والاتصالات 2007
- رئيس تحرير مجلة الشبكة العراقية 2014-2018
- تُوفي في 15 شباط/فبراير 2018.

الإصدارات:

1. ساعة ويذبل الزيتون، مجموعة شعرية باللهجة العراقية - بغداد 1976
2. الحزب الشيوعي العراقي والقضية الفلسطينية ، دراسة 1987
3. مليت، مجموعة شعرية باللهجة العراقية - دمشق 1992
4. الموقف الإسلامي من المرأة، دراسة مخطوطة 1988
5. عطر الغائب، مجموعة شعرية باللهجة العراقية - بيروت 2000
6. مسار السنونو، رواية سينمائية بيروت 2003
7. خارج المتن، مقالات في الثقافة والمتقف ، بغداد - 2010
8. تحولات شارع مريدي، قصص، "ألف ياء" 2025
9. مئات المقالات والدراسات السياسية والثقافية، في صحف ومجلات عراقية وعربية 1980، 2018